

ՀԱՄԱՁԱՅՆԱԳԻՐ ԹԻՎ 2-2021

«2021 ԹՎԱԿԱՆԻ ՀՈՒՆԻՍԻ 15-Ի ՄԻՆՉԵՎ ԵՐԿՈՒ ՏԱՐԵԿԱՆ ԵՐԵԽԱՅԻ ԽՆԱՄՔԻ ՆՊԱՍՏՆ ԱԶԳԱՅԻՆ ՕՊԵՐԱՏՈՐԻ ԿՈՂՄԻՑ ԱՆԿԱՆԽԻԿ ԵՂԱՆԱԿՈՎ ՎՃԱՐՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ» ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ք. Երևան

27 սեպտեմբերի 2021

Աշխատանքի և սոցիալական հարցերի նախարարության Միասնական սոցիալական ծառայությունը (այսուհետ՝ պատվիրատու), ի դեմս Միասնական սոցիալական ծառայության պետ Էդուարդ Պետրոսյանի, ով գործում է Աշխատանքի և սոցիալական հարցերի նախարարի 2021 թվականի մարտի 17-ի թիվ 37-Լ հրամանով հաստատված Միասնական սոցիալական ծառայության կանոնադրության հիման վրա, և Հայաստանի Հանրապետության փոստային կապի ազգային օպերատոր «Հայփոստ» ՓԲ ընկերությունը՝ ի դեմս գլխավոր գործադիր տնօրեն Հայկ Կարապետյանի, ով գործում է իր կանոնադրության հիման վրա (այսուհետ՝ կատարող), կնքեցին սույն համաձայնագիրը (այսուհետ՝ Համաձայնագիր), հետևյալի մասին.

Կողմերը որոշեցին «2021 թվականի հունիսի 15-ի մինչև երկու տարեկան երեխայի խնամքի նպաստն ազգային օպերատորի կողմից անկանխիկ եղանակով վճարման ծառայությունների մատուցման» պայմանագրում (այսուհետ՝ Պայմանագիր) կատարել հետևյալ փոփոխությունները.

1. Պայմանագրի 9-րդ կետի 4-րդ ենթակետը շարադրել հետևյալ խմբագրությամբ.

«4) նպաստառուի անվամբ էլեկտրոնային փողի հաշվառման հաշիվը բացել և սպասարկել, ծառայությունները մատուցել, այդ թվում՝ նպաստառուի բնակության վայրի հասցեում կամ կազմակերպության գրասենյակում կամ ավտոմատ գանձման մեքենաների կամ կանխիկացման այլ ինքնասպասարկման սարքերի միջոցով էլեկտրոնային փողը կանխիկացնել, անվճար (առանց միջնորդավճարների): 2022 թվականի հունվարի 1-ին և դրանից հետո քաղաքային բնակավայրերում նպաստառուի բնակության վայրի հասցեում նրա էլեկտրոնային փողի հաշվառման հաշվին առկա միջոցները կանխիկ եղանակով վճարելու դեպքում ծառայությունները մատուցել նպաստառուի և կատարողի միջև կնքված էլեկտրոնային փողի

թողարկման և սպասարկման պայմանագրով սահմանված գնով (վճարում է նպաստառուն).»:

2. Պայմանագրի 11-րդ կետը շարադրել հետևյալ խմբագրությամբ.

«11. Պայմանագրով նախատեսված՝ մինչև 2021 թվականի դեկտեմբերի 30-ը մատուցած ծառայությունների համար պատվիրատուն կատարողին վճարում է ծնողին տրամադրված նպաստի գումարի մեկ տոկոսի չափով միջնորդավճար: 2022 թվականի հունվարի 1-ին և դրանից հետո կատարողը պատվիրատուին ծառայությունները քաղաքային բնակավայրերում մատուցում է անվճար:»:

3. Պայմանագրի 18-րդ կետում «01 հոկտեմբերի 2021 թվականը» բառերը փոխարինել «30 դեկտեմբերի 2022 թվականը» բառերով:

4. Սույն համաձայնագիրը ուժի մեջ է մտնում ստորագրման պահից:

5. Սույն համաձայնագիրը կազմված է երկու (2) էջից, կնքվում է հայերեն լեզվով՝ երկու բնօրինակից, որոնք ունեն հավասար իրավաբանական ուժ, յուրաքանչյուր Կողմին տրվում է մեկական օրինակ:

6. Սույն համաձայնագիրը հանդիսանում է գործող Պայմանագրի անբաժանելի մասը:


Պատվիրատու

Միասնական սոցիալական ծառայություն
ք. Երևան, Նալբանդյան 13
ՀՎՀՀ 02505511

հեռ.՝ 060654002

Էլ. փոստ՝ info@sacservice.am

Ծառայության պետ



Էդուարդ Պետրոսյան



Կատարող

“Հայփոստ” ՓԲԸ
ք. Երևան 0002, Սարյան 22
ՀՎՀՀ: 02507464

հեռ. : /010/ 514-768/, 514-726

Գլխավոր գործադիր տնօրեն

Հայկ Կարապետյան

